

Канон святому праведному Иоанну Кронштадтскому

Память празднуем 20 декабря (2 января)

Тропарь, глас 1-й

Правосла́вныя ве́ры поборо́ниче, земли́ Росси́йския печальниче, па́стырем пра́вило и о́бразе ве́рным, пока́яния и жи́зни во Христé пропове́дниче, Божéственных та́ин благоговéйный служи́телю и дерзнове́нный о лю́дех моли́твенниче, о́тче пра́ведный Иоáнне, цели́телю и предивный чудотво́рче, гра́ду Кроншта́дту похвало́ и Це́ркве на́шея украше́ние, моли́ Всеблагóго Бо́га умири́ти мир и спасти́ ду́ши на́ша.

Ин тропарь, глас 4-й

Росси́йския земли́ па́стырь до́брый показа́лся еси́, в служе́нии пресви́терством жизнь во Христé стяжа́в, Богому́дре о́тче Иоáнне. Благода́ть изоби́льную от Влады́ки Христа́ прия́л еси́: недуги́ отгоня́ти, малоду́шныя утеша́ти, в Та́йне Пречи́стаго Те́ла и Кро́ве ве́рныя со Хри́стом соединя́ти. Сего́ ра́ди восхваля́ем тя, я́ко моли́твенника о душа́х на́ших

КАНОН, глас 1-й

Песнь 1

Ирмос: Песнь победную поим вси Бо́гу, сотворшему дивная чудеса́ мышцею высоко́ю и спаса́ющему Изра́иля, я́ко просла́вился.

Припев: Святы́й пра́ведный о́тче наш Иоáнне, моли́ Бо́га о нас.

Чистоту́ помышле́ний даждь ми, Спа́се мой, еже воспéти чистото́ю Ангелом подобнаго, пра́веднаго Иоáнна пресви́тера, я́ко Ангела Го́спода Вседержи́теля.

Святы́й пра́ведный о́тче наш Иоáнне, моли́ Бо́га о нас.

Еже любíti Христа́ и Ему́ служи́ти, Иоáнне свя́те, делом и сло́вом испо́лнил еси́, во священстве ве́рным о́браз быв сло́вом

и житиём.

Слава: Иоáнну Крестителю подража́я, покая́ния пропове́днице, о́тче Иоáнне пра́ведне, о́браз воздержáния, целому́дря и де́вственника чистоту́ яви́л еси́.

И ныне: Облагодати́ нас, Ма́ти Бо́жия, е́же к богоугождéнию жити́е на́ше упрáвити, да Твое́ю по́мощию и моли́твами пра́веднаго Иоáнна живо́т вéчный насле́дуем.

Песнь 3

Ирмос: Ка́мень, егóже небрегóша зи́ждущи, сей бысть во главú у́гла: той есть ка́мень, на нёмже утверди́ Цёрковь Христóс, ю́же от язы́к искупí.

Святы́й пра́ведный о́тче наш Иоáнне, моли́ Бо́га о нас.

Апóстольски трудíлся еси́ от у́тра па́стырскаго жити́я твоегó да́же до вéчера, о́тче Иоáнне, николи́же в любви́ к Бо́гу и бли́жнему оскудева́я.

Святы́й пра́ведный о́тче наш Иоáнне, моли́ Бо́га о нас.

Небéснаго Цáрствия взыску́я, усéрдный дéлатель благíх на земли́ яви́лся еси́, моли́твою вéры недúги исцеля́я и заблúдшия к покая́нию призыва́я, свя́те.

Слава: Никогóже отвращáлся еси́, то́чию отверга́ющихся Гóспода Иисúса Христа́ и Цёркве Егó святы́я, е́йже сыны́ вéка сегó противля́ются. Но и о сих заблúждших в скóрби мно́зей молéние твоё к Бо́гу возноси́ти не преставáл еси́.

И ныне: Единéние вёрных в Цёркви Сы́на Твоегó и Бо́га на́шего сохрани́, Пречíстая Дéво Ма́ти, да при́сно в любви́ Христóве друг ко дрúгу утверди́мся.

Гóсподи, помíлуй (*трижды*).

Седален, глас 2-й

Мы, немощни́и, к тебе́, пра́ведне Иоáнне, я́ко си́льному моли́твеннику пред Бо́гом, притека́ем, прося́ще недúгом душе́вным и телéсным исцелéния, в скóрбех о гресéх на́ших покая́нием избавлéния, странé нашей и лю́дем ея́ мирное житéльство и вся потрéбная ко спасéнию.

Слава, и ныне: Отрокови́це Благодáтная, Ма́ти Безневéстная,

Надёждо нашего спасения, даждь нам в вере утверждение и во благочестивем житии преуспейние, в скорбех и печалех утешение. Тя бо, яко рождшую Спаса Христа, присно величаем.

Песнь 4

Ирмос: Духом провидя, пророче Аввакуме, Словесе воплощение, проповедал еси, вопия: внигда приблизитися летом — познаешися, внигда приити времени, покажешися — слава силе Твоей, Господи.

Святыи праведный отче наш Иоанне, моли Бога о нас.

Ложная мудрования сынов века сего, возстающих противу истины Святыя Церкви Христовы, отвергл еси, святе Иоанне, словом и житием Православие утверждал еси, поя: слава силе Твоей, Господи.

Святыи праведный отче наш Иоанне, моли Бога о нас.

Имя Христово присно в сердце нося, святому Богосцу Игнатию подражая, в себе самом всякое приражение грехов истребил еси, поя: слава силе Твоей, Господи.

Слава: Сила Божия, в немощи совершающаяся, яви ты дивнаго чудотворца, целителя недужных и немощных, учителя покаяния, молитвы делателя, поюща: слава силе Твоей, Господи.

И ныне: Явилася еси, Владычице Богородице, Благодатная Помощница праведному пресвитеру Иоанну, присно молящемуся Ти и Сыну Твоему и благодарно поющему: слава силе Твоей, Господи.

Песнь 5

Ирмос: Твой мир даждь нам, Сыне Божий: иного бо, разве Тебе бога не знаем, Имя Твое именуем, яко Бог живых и мертвых еси.

Святыи праведный отче наш Иоанне, моли Бога о нас.

Благо мне, яко смирил мя еси, Господи, сие молился еси, терпя поношения хулителей Твоих, святе Иоанне, храня мир сердца твоего непрестанною молитвою и незлобием.

Святы́й пра́ведный́ о́тче наш Иоа́нне, моли́ Бо́га о нас.

Облѣкся во Христа́ вѣроу и Прича́стием Святы́х Та́ин, был еси́ тверд, я́ко скала́, глаго́ля: мне Христо́с полнота́ всех благ, живо́т и мир, превосходя́й всяк ум.

Слава: Госпо́дни трапѣзы при́сно причаща́ясь, стяжа́л еси́ свет Христо́в, просвеща́ющий вся́каго челове́ка, грядúщаго в мир. Сим же и нас просвети́, Иоа́нне светно́сче, тя почита́ющих.

И ныне: Ужасо́шася вся́ческая о Божѣственней сла́ве Твое́й, Пречи́стая Де́во, о́бщники сла́вы Твоея́ соде́лай и нас, Тя при́сно ублажа́ющих.

Песнь 6

Ирмос: Проро́ка Ио́ну подража́я, вопи́ю: живо́т мой Бла́же, свободи́ из тли, и спаси́ мя, Спа́се ми́ра, зовúща: сла́ва Тебе́.

Святы́й пра́ведный́ о́тче наш Иоа́нне, моли́ Бо́га о нас.

Оживля́я ду́шу непреста́нною ко Го́споду моли́твою, си́це взыва́л еси́, Иоа́нне Богому́дре: Го́споди, даждь ми люби́ти вся́каго челове́ка, я́ко самаго́ себе́. Сию́ добродѣтель помози́ и нам стяжа́ти.

Святы́й пра́ведный́ о́тче наш Иоа́нне, моли́ Бо́га о нас.

Призыва́я Имя Бо́жие во спасѣние твоѣ, спасѣнию мно́гих послужил еси́. Да пребу́дем и мы в единѣнии с Бо́гом и любви́ междú собо́ю, мо́лимтися, о́тче Иоа́нне.

Слава: Ра́зум Богопросвещѣнный стяжа́л еси́, Иоа́нне прему́дре, о Святе́й Тро́ице богослóвствуя, рекл еси́: высотá истины сея́ животво́рна душе́, в простоте́ се́рдца вѣрующей.

И ныне: Изба́вителя на́шего неизрече́нно ро́ждшая, Пресвята́я Де́во, бу́ди нам грѣшным прибе́жище спасѣния и вѣчныя жи́зни Ходата́ица.

Го́споди, поми́луй (*трижды*). Слава, и ныне:

Кондак, глас 3-й

Днесь па́стырь Кроншта́дтский предстои́т Престо́лу Бо́жию и усѣрдно мо́лит о вѣрных Христа́ Пастыренача́льника, обетова́ние да́вшего: сози́жду Це́рковь Мою́ и врата́ а́дова не одоле́ют ей.

Икос

Восхва́лим, ве́рнии, дѣвнаго па́стыря Кроншта́дтскаго, благода́ти тезоименѣтаго, свети́льника присногоря́щаго у Престо́ла Святы́я Трѣицы, с Богоро́дицею и со все́ми святы́ми земли́ Росси́йскаго моля́щагося о спасе́нии всех, Имя́ Госпо́дне призыва́ющих, да укрепѣ́тся в стране́ на́шей Правосла́вие си́лою Христа́ Пастыренача́льника, обетова́ние да́вшаго: сози́жду Це́рковь Мою́ и врата́ а́дова не одоле́ют ей.

Песнь 7

Ирмос: Су́щим в пещи́ отроко́м Твои́м, Спа́се, не прикосну́ся, ниже́ стужи́ огонь. Тогда́ трие́, я́ко еди́ними усты́, пояху́ и благословля́ху, глаго́люще: благослове́н Бог оте́ц на́ших.

Святы́й пра́ведный оте́ц наш Иоа́нне, моли́ Бо́га о нас.

Наста́ви нас, па́стырю до́брый, жи́зни во Христѣ́, по сло́ву бо тво́ему, вели́ко де́лание есть, е́же побежда́ти грех, в нас живу́щий. Да не опали́тся душа́ на́ша пла́менем его́, помолѣ́ся.

Святы́й пра́ведный оте́ц наш Иоа́нне, моли́ Бо́га о нас.

Очище́ние на́ше и избавле́ние есть Христос́ Спаси́тель Ему́же ты, па́стырю пречу́дный, о на́шем духо́вном возрожде́нии, чрез покая́ние и исправле́ние, помолѣ́ся.

Слава: Си́лою Ду́ха Свята́го в непреста́нней моли́тве безстра́стие стяжа́вый, до́брый па́стырю Иоа́нне, страсте́й любогрехо́вных нам изба́витися помолѣ́ся.

И ны́не: Яви́ нам ми́лость Твою́, Богоро́дице Де́во, Ма́ти Живота́, к Тебе́ с ве́рою притека́ющим и Сы́ну Тво́ему и Бо́гу покая́ние принося́щим.

Песнь 8

Ирмос: Его́же ужаса́ются А́нгели и вся во́инства, я́ко Творца́ и Го́спода, по́йте, священни́цы, просла́вите, о́троцы, благослови́те, лю́дие, и превозноси́те во вся ве́ки.

Святы́й пра́ведный оте́ц наш Иоа́нне, моли́ Бо́га о нас.

Ще́дрю руко́ю тво́ею ми́лостыню́ прося́щим подава́л еси́, Иоа́нне ми́лостиве. Не ве́де бо шу́йца, е́же твори́ десни́ца твоя́, тщету́ бо земна́го стяжа́ния на небе́сная пременя́л еси́.

Святы́й пра́ведный́ о́тче наш Иоа́нне, моли́ Бо́га о нас.

Иму́щему дано́ бу́дет и преизбу́дет, рече́ Господь, та́ко и ты, о́тче Иоа́нне, тща́ние ве́лиим благода́ть Ду́ха Свята́го стяжа́л еси́, е́юже и нас моли́твами твои́ми ны́не уше́дри.

Слава: Хране́ние усто́м полага́я, николи́же су́етная возглаго́лал еси́, Иоа́нне, зако́на Господня́ взыска́я, и нас в нем ходи́ти науча́еши.

И ны́не: Тя, Богоро́дицу, Вы́шшую Небе́с и Чи́стшую све́тлостей со́лнечных, в пе́снях немол́чных воспева́ют Херувими́ и Серафи́ми. С ни́миже и мы, недосто́йнии, Тя ублажа́ем.

Песнь 9

Ирмос: Живоприе́мный Исто́чник приснотеку́щий, светно́сный Свети́льник благода́ти, Храм одушевле́нный, Сень пречи́стую, Небесе́ и земли́ пространнейшую, Богоро́дицу ве́рнии велича́ем.

Святы́й пра́ведный́ о́тче наш Иоа́нне, моли́ Бо́га о нас.

Иисуса́ Христа́ Пастыренача́льника о́браз в себе́ нося́, Иоа́нне, угото́вал еси́ по вся дни ду́шу твою́ за па́ству полага́ти и во гресе́х погиба́ющих к Бо́гу обраща́ти.

Святы́й пра́ведный́ о́тче наш Иоа́нне, моли́ Бо́га о нас.

Принося́щих ти похвалу́ сию́, о́тче Иоа́нне, не отри́ни, но ми́лость Христа́ Бо́га испроси́ к прощени́ю мно́гих прегрешени́й.

Слава: Очи́ма твои́ма при́сно взира́я ко Го́споду, о́тче Иоа́нне, врата́ се́рдца твоего́ отве́рста Ему́ имёл еси́, да отве́рзется и нам дверь покая́ния моли́твами твои́ми.

И ны́не: Христа́ Бо́га на́шего, пре́жде век от Отца́ рождённаго без Ма́тере, ро́ждшагося же от Тебе́ без Отца́ нас ра́ди, моли́, Чи́стая Богоневе́сто, да спасе́ние улучи́м, Тя велича́юще.